

اتوار 17 نومبر، 2019ء

مضمون۔ فانی تے لافانی

سنہری متن: رومیوں 6 باب 23 آیت

”رب دی دین ساڈے مسیح یسوع وچ ہمیشہ دی حیاتی اے۔“

جوابی پڑھائی: زبور 1:23 توں 6 آیتاں

- 1- خداوند میرا چوپان اے۔ مینوں گھاٹانہ ہووے گا۔
- 2- اوہ مینوں ہریاں ہریاں چراگا ہنواں وچ بٹھاؤندا اے۔ اوہ مینوں راحت دے چشمیاں کول لے جاندا اے۔
- 3- اوہ میری جان نوں بحال کردا اے۔ اوہ مینوں اپنے ناں دی خاطر سچھائی دیاں راہواں اُتے لے ٹردا اے۔
- 4- بلکہ بھانویں موت دے پرچھانویں دی وادی وچوں مینوں لنگناں پووے میں کسے بلا توں تیں ڈراں گا کیوں جے توں میرے نال ایں۔ تیرے عصاتے تیری سوٹی نال مینوں تسلی اے۔
- 5- توں میرے ویریاں دے سامنے میرے اگے دسترخوان وچھاؤنا ایں۔ توں میرے سر اُتے تیل ملایا اے۔  
میرا پیالہ بھر جاندا اے۔

6۔ یقیناً جھلیائی تے رحمت ساری عمر میرے نال نال رہن گیاں تے میں ہمیشہ رب دے گھر وچ سکون کراں  
گا۔

درسی وعظ

بائبل وچوں

1۔ یوحنا 3 باب 16 (رب)، 17 آیتاں

16۔ کیوں جے رب نے جگ نال اجیہی محبت رکھی پئی اوہنے اپنا کلوتا پتر دے دتا تاں جو جیہڑا وی اوہدے  
ایمان لیاوے اوہ ہلاک نہ ہووے بلکہ ہمیشہ دی حیاتی پاوے۔

17۔ کیوں جے رب نے پتر نوں جگ وچ ایس لئی نسئیں گھلایا پئی جگ اُتے سزا دا حکم دیوے بلکہ ایس لئی پئی  
جگ اوہدے پاروں مکتی پاوے۔

2۔ 1 تمیتھیس 1 باب 12 (میں)، 13، 15، 16 آیتاں

12- میں اپنے طاقت دین والے خداوند دا شکر کرداواں پئی اوہنے مینوں دیا نندار سمجھ کے مینوں اپنی سیوا لئی مقرر کیتا۔

13- بھانویں میں پہلاں کفر بکن والاتے ستاؤن والاتے بے عزت کرن والا سی فیرو می میرے اُتے رحم ہو نیا ایس لئی پئی میں بے ایمانی دی حالت وچ نادانی نال ایہہ کم کیتے سی۔

15- ایہہ گل سچی تے ہر طراں من دے قابل اے پئی مسیح یسوع پاپیاں نوں مکتی دین لئی جگ وچ آیا جنماں وچ سب توں وڈھا میں واں۔

16- پر میرے اُتے رحم ایس لئی ہو نیا پئی مسیح یسوع میں وڈھے پاپی اُتے اپنا کمال تحمل ظاہر کرے تاں جو جیہڑے لوک ہمیشہ دی حیاتی لئی اوہدے اُتے ایمان لیان گے اوہناں لئی میں نمونہ بناں۔

### 3- یوحنا 10 باب 7 (توں یسوع)، 14 (توں پہلا)، 27 توں 30 آیتاں

7- یسوع نے آکھیا۔۔۔

14- چنگا چرواہا میں آں۔

27- میریاں بھیدیاں میری آواز سن دیاں نیں تے میں اوہناں نوں جان دا آں تے اوہ میرے مگر مگر ٹردیاں نیں۔

28- تے میں اوہناں نوں ہمیشہ دی حیاتی دیناواں تے اوہ ہمیشہ تیکر کدی ہلاک نہ ہوون گیاں تے کوئی اوہناں نوں میرے ہتھوں کھونہ لووے گا۔

- 29- میرا پیوجن سے اوہ مینوں دیتیاں نیں سب توں وڈھا اے تے کوئی اوہناں نوں پیو دے ہتھوں کھونسیں سکدا۔  
30- میں تے پیواک آں۔

#### 4- لوقا 18 باب 18 توں 30 آیتاں

- 18- فیر کسے سردار نے اوہنوں ایہہ سوال کیتا پئی اے نیک استاد! میں کیہ کراں پئی ہمیشہ دی حیاتی دا وارث بناں؟
- 19- یسوع نے اوہنوں آکھیا پئی توں مینوں کیوں نیک آکھدا ایں؟ کوئی نیک نسئیں پر اک یعنی رب۔
- 20- توں حکماں نوں تے جان دا ایں۔ زنا نہ کر۔ خون نہ کر۔ چوری نہ کر۔ جھوٹی گواہی نہ دے۔ تے اپنے پیو تے اپنی ماں دی عزت کر۔
- 21- اوہنے آکھیا میں لڑکپن توں ایہناں ساریاں اُتے عمل کیتا اے۔
- 22- یسوع نے ایہہ سُن کے آکھیا پئی ہلے وی تیرے وچ اک گل دا گھاٹا اے۔ اپنا سب کجھ وچ کے غریباں وچ وند دے تینوں اسمان اُتے خزانہ ملے گاتے آکے میرے مگر ٹر پے۔
- 23- ایہہ سُن کے اوہ بوہت ڈکھی ہوئیا کیوں جے اوہ بوہت امیر سی۔
- 24- یسوع نے اوہنوں ویکھ کے آکھیا پئی امیر بندے دارب دی بادشاہی وچ داخل ہونا کنہاں اوکھا اے!
- 25- کیوں جے اوںٹھ دا سوئی دے نکے وچوں نکل جانا ایہدے توں سوکھا اے پئی امیر بندہ رب دی بادشاہی وچ داخل ہووے۔

- 26- سنن والیاں نے آکھیا پئی فیر کون مکتی پاسکد اے؟
- 27- اوہنے آکھیا جو انسان توں نہیں ہو سکد اوہ رب توں ہو سکد اے۔
- 28- پطرس نے اوہنوں آکھیا ویکھ اسی تے اپنا گھر بار چھڈ کے تیرے مگر ٹرپئے آں۔
- 29- اوہنے اوہناں نوں آکھیا میں تہانوں سچ آکھدا آں پئی کوئی اجیہا نہیں جنسے گھریا بڈھی یا بھرانواں یا ماں پیویا  
بچیاں نوں رب دی بادشاہی لئی چھڈ دتا ہووے۔
- 30- تے ایس زمانے وچ کئی گنلو ہتہانہ پاوے تے آؤن والے جہان وچ ہمیشہ دی حیاتی۔

## 5- متی 25 باب 31 توں 46 آیتاں

- 31- جدوں آدم دا پتر اپنے جلال وچ آوے گا تے سارے فرشتے اوہدے نال آؤن گے تدا وہ اپنے جلال دے  
تخت اُتے بیٹھے گا۔
- 32- تے ساریاں قومیاں اوہدے سامنے اکٹھیاں کیتیاں جان گیاں تے اوہ اک نوں دو جے توں وکھ کرے گا  
جیویں چرواہا بھیڈاں نوں بکریاں توں وکھ کر دالے۔
- 33- تے بھیڈاں نوں اپنے سچے تے بکریاں نوں کھبے پاسے کھڑا کرے گا۔
- 34- اوس ویلے بادشاہ اپنے سچے پاسے والیاں نوں آکھے گا پئی آؤ میرے پیو دے دھن لو کو جیہڑی بادشاہی  
تہاڈے لئی جگ دے شروع توں تیار کیتی گئی اے اوہ میراث وچ لوو۔

35- کیوں جے میں چکھاسی۔ تسی مینوں کھانا کھوایا۔ میں پیاساسی۔ تسی مینوں پانی پلایا۔ میں پردیسی سی۔ تسی مینوں اپنے گھر لیائے۔

36- ننگاسی۔ تسی مینوں کپڑا پوایا۔ بیمار سی۔ تسی میرا پتا کیتا۔ قید وچ سی۔ تسی میرے کول آئے۔

37- تدنیک لوکی جواب وچ اوہنوں آکھن گے اے خداوند! اسی کدوں تینوں چکھا ویکھ کے کھانا کھوایا پیاسا ویکھ کے پانی پلایا؟

38- اسی کدوں تینوں پردیسی ویکھ کے گھر وچ لیائے؟ یا ننگا ویکھ کے کپڑا پوایا؟

39- اسی کدوں تینوں بیمار یا قید وچ ویکھ کے تیرے کول آئے؟

40- بادشاہ جواب وچ اوہناں نوں آکھے گا میں تہانوں سچ آکھدا آں کیوں جے تسی میرے لیہناں سب توں نکلے بھرانواں وچوں کسے اک نال ایہہ سلوک کیتا ایس لئی میرے نال ای کیتا۔

41- فیر اوہ کھبے پاسے والیاں نوں آکھے گا اے ملعونوں میرے سامنیوں اوس ہمیشہ دی اگ وچ چلے جاؤ جیہڑی شیطان تے اوہدے فرشتیاں لئی تیار کیتی گئی اے۔

42- کیوں جے میں چکھاسی۔ تسی مینوں کھانا نہ کھوایا۔ پیاساسی۔ تسی مینوں پانی نہ پلایا۔

43- پردیسی سی۔ تسی مینوں گھر نہ لیائے۔ ننگاسی۔ تسی مینوں کپڑا نہ پایا۔ بیمار تے قید وچ سی۔ تسی میرا پتا نہ کیتا۔

44- تد اوہ وی جواب وچ آکھن گے اے خداوند! اسی کدوں تینوں چکھایا پیاسا یا پردیسی یا ننگا یا بیمار یا قید وچ ویکھ کے تیری سیوانہ کیتی؟

45- اوس ویلے اوہ اوہناں نوں جواب وچ آکھے گا میں تہانوں سچ آکھدا آں پئی کیوں جے تسی لیہناں سب توں نکلیاں وچوں کسے اک نہ ایہہ سلوک نئیں کیتا ایس لئی میرے نال وی نئیں کیتا۔

46- تے ایہہ ہمیشہ دی سزا پاؤن گے پر ر استباز ہمیشہ دی حیاتی۔

6- 1 کرنتھیوں 15 باب 50، 51، 53، 54 آیتاں

50- اے بھراوو! میرا مطلب ایہہ اے پئی گوشت تے لہورب دی بادشاہی دے وارث نہیں ہو سکدے تے نہ فنا بقادی وارث ہو سکدی اے۔

51- ویکھو میں تہانوں اک بھید دی گھل آکھدا آں۔ اسی سارے تے نہیں سونواں گے پر سارے بدل جانواں گے۔

53- کیوں جے ضرور اے پئی ایہہ فانی بدن بقادا جامہ پاوے تے مرن والا بدن ہمیشہ دی حیاتی دا جامہ پاوے۔

54- تے جدوں ایہہ دانی بدن بقادا جامہ پاوے گا تے ایہہ مرن والا بدن ہمیشہ دی حیاتی دا جامہ پاوے گا تے اوہ اکھان پورا ہووے گا جیہڑا لکھیا اے پئی موت جت دی بُرکی بن گئی۔

## سائنس تے صحت

1- 26:42 (وچ)۔ 28

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیاں۔

--- کر سچن سائنس وچ اصلی انسان اُتے رب یعنی چنگیائی حکومت کردی اے نہ کہ بدی، تے ایسے لئی اوہ فانی  
نئیں بلکہ لافانی اے۔

2- 15-5:295

رب سنسار نوں، جیہدے وچ انسان وی شامل اے، بناؤندا اے تے اوہدے اُتے حکومت کردا اے، ایہہ  
سنسار روحانی خیالاں نال بھریا ہویا اے، جنہاں نوں اوہ تیار کردا اے، تے اوہ اوس سیان دی فرمانبرداری  
کردے نیں جیہڑی اوہناں نوں بناؤندی اے۔ فانی سیان نوں روحانی وچ بدل دیوے گی، تے فیر انسان دی  
اصلی خودی نوں غلطی دی فانی نال رہا کرن لئی ٹھیک کرے گی۔ فانی لوک غیر فانیوں وانگر رب دی صورت  
اُتے نئیں بنائے گئے، بلکہ لامحدود روحانی ہستی وانگر فانی ضمیر اخیریں سائنس دی اصلیت نوں منے گاتے  
غائب ہو جاوے گا، تے ہستی دی کامل تے ہمیشہ قائم رہن والی سیان سامنے آوے گی۔

3- 20-14:190

انسانی پیدائش، بالیدگی، بلوغت تے زوال اوس کاہ وانگر نیں جیہڑی ہرے پتیاں دے نال مٹی وچوں اگدی  
اے، تاں جوں بعد وچ مر جھاؤے تے اپنے آبائی عدم وچ مڑ جاؤے۔ ایہہ فانی اظہار عارضی اے، ایہہ لافانی

بائبل دا ایہہ سبق پلین فیلڈ کر سچن چرچ، آزادولوں تیار ہویا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کر سچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہونیاں لازمی تفسیریں نال بنیاں۔



ہستی وچ کدی جڑنئیں سکدا، بلکہ آخر کار ختم ہو جاندا اے تے فانی انسان نوں روحانی، ابدی تے اصلی انسان ای سمجھیا جاندا اے۔

4- 476:1-5، 10-20، 28-32

بشر لافانیاں دے فریب نیں۔ اوہ بد کرداراں یا بنداں دے بال نیں جیدے توں ایہہ ظاہر ہندا اے پئی انسان مٹی توں شروع ہو نیا یا مادی ایسبر یو دے طور تے پیدا ہو نیا اے۔ الہی سائنس وچ، رب تے اصلی انسان الہی اصول تے خیال وانگر غیر منفک نیں۔

رب انسان دا اصول اے، تے انسان رب دا خیال اے۔ ایس لئی انسان نہ فانی اے نہ مادی۔ فانی غائب ہو جاوون گے تے لافانی یا رب دے پتر انسان دی کلی تے ابدی سچائیاں دے طور سے سامنے آؤن گے۔ فانی بشر رب دے سٹے ہوئے پتر نیں۔ اوہ کدی وی ہستی دی کامل حالت وچ نیں سی، جنہوں بعد وچ دوبارہ حاصل کیتا جا سکدا اے۔ فانی تاریخ دے شروع توں اوہناں نے ”بدی وچ حالت پھڑی تے پاپ وچ اپنی ماں دے ٹیڈ وچ آئے“۔ اخیریں فانی نوں غیر فانی تے دے راہیں مکھڑتا جاندا اے۔ جیہڑے حقائق غیر فانی انسان نال تعلق رکھدے نیں اوہناں نوں تھان دین لئی پاپ، بیماری تے موت نوں غائب ہونا چاہیدا اے۔

رب دے لوکاں دے بارے، نہ کہ انسان دے پچیاں دے بارے گل کر دیاں ہوئے یسوع نے آکھیا، ”رب دی بادشاہی تہاڈے وچکاراے؛“ یعنی سچائی تے پیارا اصلی انسان اُتے حکومت کر دی اے، ایہہ ظاہر کدیاں ہوئے پئی انسان رب دی صورت اُتے بے گناہ تے ابدی اے۔

5- 13-4:296

ترقی تجربے نال پیدا ہندی اے۔ ایہہ فانی انسان دی مضبوطی اے، جیدے راہیں لافانی دی خاطر فانی بندے نوں چھڈ دتا جاندا اے۔ بھانویں ایہتھے یا ایہدے بعد، تکلیفاں یا سائنس نوں حیاتی تے سیان دے بارے سارے بھرماں نوں مکلدینا چاہیدا اے، تے مادی سیان تے خودی نوں نوں سرے توں پیدا کرنا چاہیدا اے۔ پرانی انسانیت نوں اوہدے کماں دے نال منسوخ کر دینا چاہیدا اے۔ کوئی وی نفس پرستی یا پاپ آلود شے فانی نہیں اے۔ ایہہ مادے دی موت نہیں بلکہ جھوتے مادی فہم تے پاپ دی موت ای اے جنہوں انسان تے حیاتی ہم آہنگ، اصلی تے ابدی ظاہر کر دے نہیں۔

6- 27-20:496

”موت دا ڈنگ پاپ اے تے پاپ دا زور شریعت اے“، فانی عقیدے دی شریعت جیہڑی لافانی حیاتی دیاں حقیقتاں دے نال جنگ کر دی اے، ایہتھے تیکر پئی روحانی شریعت دے نال قبر نوں آکھدی اے، ”تیری

جت کتھے رہی؟“ پر ”جدوں ایہہ فانی بدن بقاد اجامہ پالو وے گاتے ایہہ مرن والا بدن ہمیشہ دی حیاتی داجامہ پالو وے گاتے اوہ اکھان پورا ہو وے گا پئی موت جت دی بُرکی بن گئی۔“

7 - 29-22:428

اک وڈھی روحانی اصلیت سامنے لیائی جانی چاہیدی اے پئی انسان کامل تے لافانی ہو وے گائیں بلکہ ہے اے۔ ساہنوں وجودیت دے شعور نوں ہمیشہ قائم رکھنا چاہیدا اے تے چھیتی نال یادیر نال، مسیح تے کر سچن سائنس دے راہیں پاپ تے موت اُتے چوہدھری ہونا چاہیدا اے۔ جدوں مادی حقائق نوں ترک کیتا جاندا اے تے ہستی دیاں غیر فانی حقیقتاں نوں قبول کر لیا جاندا اے تے انسان دی لافانیت دی وضاحت ہو وے سامنے آجاندی اے۔

8 - 31-27:246

حیاتی ہمیشہ دی اے۔ ساہنوں ایہہ لبھنی چاہیدی اے تے اوہ سدے توں اظہار نوں شروع کرنا چاہیدا اے۔ حیاتی تے چنگیائی لافانی نیں۔ تے آؤ اسی وجودیت دے بارے پنے خیالاں نوں عمر تے خوف دی بجائے پیار، تازگی تے لگاتاری دے نال بنائیے۔

9 - 18-10:247

بائبل دا ایہہ سبق پلین فیلڈ کر سچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کر سچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیاں۔

خوبصورتی، ایسے نال نال سچائی وی، ہمیشہ دے نیں؛ پر مادی شیواں دی خوبصورتی، فانی یقین وانگر دھندلانڈیاں تے عارضی ہندیوں ہوئے، مک جانڈی اے۔ رواج، تعلیم تے فیشن انساناں دے عارضی معیار بناؤندے نیں۔ لافانیت، عمر تے فنا پذیریری توں بچ دیاں ہوئے، اپنا جلال آپ، یعنی روح دی چمک رکھدی اے۔ غیر فانی بندے تے بڈھیاں روحانی حس دانمونہ ہندے نیں جیہڑے کامل سیان نال تے پاکیزگی دے اوہناں اُچے نظریاں دا پرچھانواں ہون نال بنائے جانڈے نیں جیہڑے مادی حس توں اُچے ہندے نیں۔

10 - 24-14:495

جدوں بیماری یا پاپ دا بھرم تہانوں آزماؤندا اے تے رب تے اوہدے خیال دے نال مضبوطی نال جڑے رہو۔ اوہدے مزاج توں علاوہ کسے شے نوں تہاڈے خیال وچ قائم ہون دی اجازت نہ دیو و کسے ڈر یا شک نوں تہاڈے ایس واضح تے مطمئن بھروسے اُتے حاوی نہ ہوون دیو و پئی حیاتی دی پچھان دی ہم آہنگی، جیویں پئی حیاتی شروع توں اے، ایس شے دے کسے وی پیرٹوالے احساس یا یقین نوں فنا کر سکدی اے جیہڑا حیاتی وچ ہے ای نیں۔ جسمانی حس دی بجائے کر سچن سانس نوں ہستی دے بارے تہاڈی سمجھ دی حمایت کرن دیو، تے ایہہ سمجھ غلطی نوں سچائی دے نال پٹ کے سٹ دیو وے گی، فانی نوں غیر فانی نال بدل دیو وے گی، تے چپ دی ہم آہنگی دے نال مخالفت کرے گی۔

11 - 31-22:76

بے گناہ خوشی، حیاتی دی کامل ہم آہنگی تے لافانیت، اک وی جسم دے دردیا آرام دے بغیر بوہت زیادہ الہی خوبصورتی تے چنگیائی دی ملکیت رکھدیاں ہوئے اصلی تے لازوال انسان بناؤندی اے، جید او جو دروحانی ہندیا اے۔ وجودیت دی ایہہ حالت سائنسی اے تے ہر ویلے برقرار رہندی اے، یعنی اجیہی کاملیت جیہڑی بس اوہناں لوکاں دی سمجھ وچ آؤندی اے جنہاں نوں الہی سائنس وچ مسیح دی ساری سمجھ اے۔ موت وجودیت دی ایس حالت نوں کدی تیز نہیں کر سکدی کیوں جے لافانیت دے ظاہر ہوون توں پہلاں موت توں جتناں چاہیدا اے نہ اوہدے حوالے ہو جانا چاہیدا اے۔

12- 288:27-28

سائنس اوس لافانی انسان دے جلالی امکانات نوں ظاہر کردی اے جیہڑا ہمیشہ لئی فانی حساں ول لا محدود ہندیا اے۔

## روزانہ دے فرض

میری بیکریڈی دلوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔